

梅亭先生四六標準

韓愈先生四大集

四部叢刊續編
梅亭四六標準

(五一〇二一)

翻刻必究

中華民國二十三年二月初版

本書實價國幣陸元

外埠酌加運費匯費

發行人

王

雲

五

印刷所

商

印

書

館

發行所

商

印

書

館

上海

河南

南路

上海

河南

南路

上海

河南

南路

上海

河南

南路

梅亭先生四六標準卷之三十八

學職

謝永州鄭學諭

一聽履聲已喜似人之見載披手輿更欽博我之
文得非所蒙願竊有獲恭惟某官學探聖瀆秀出
愚溪窮司農之經諒皆殫洽客廣文之舍大似淹
回佇即摘髭亟其奮翼某不能教胄有負轉丞儻
簿書獄訟之餘其交以道則道德性命之理當誦
所聞

謝張學諭

元之

吟墻竹之公事自分聾永聞泮林之好音還成伎
癢亟裁四六就謝萬分恭惟某人氣韻淑均風猷
庸敏尋西塞桃花之蹶豈其河鯉之逢思東吳蓴
菜之鱸行矣溟鯤之化無厭俗情之傲贅即觀鄉
賦之拔尤某聊爾治中奚勞賀上庸何如昔已無
可取之楷模籍也抱能尚可相從於閭里

田唐學錄

淵

題輿非據箝紙尾以何心銜袖見貽羨筆頭之有
口一謙厚甚三復悚然恭惟某官清挹晚蘭秀分
絳藻蒙開蜀道諒餘挺又之風勤讀楚詞定出選

遙之宵佇帝庭之大對豈鄉校之久淹某教胄無庸負丞有覲露繁天豁有慙南嶽之鳳鳴澗愧林慚但覺北山之鶴怨

回吳學正

應龍

洗塵土之袍未皇請益披月露之牘良佩鳴謙藏以爲榮報於何有恭惟某官風猷凝遠天韻淑均炳扶輿磅礴之靈富詰屈聳牙之學生九辯九歌之地豈自隔於脩門挾八克之能將能將差強於敵國四六且工於駢儷三千足想於縱橫某有幸依仁過勤委贄故將軍之雌伏難言李廣之無雙

新進士之龍飛惟祝吳公之第一

回卓學諭邁

聞凌雲之作方幸友仁拜明月之投更高陳義不
知所報藏去爲榮恭惟某官秀出閩中僑游黔鄙
橫經重席方依夫子之宮牆問舍求田豈爲王孫
之僮客佇摘髭於名第即策足於要津某教胄無
庸負丞何筭楊脩有智但欽絕妙之受辛韓子非
才頗覺長慙於典午

回寧鄉魏學賓

抗塵縣掾真成拓落之官引領黨庠知有耆明之

彥未瞻文席先沐尺書恭惟某官漢相雲仍鄭公
風烈北多良馬老伏櫪之駿厖南有嘉魚秩賓筵
之燕衍正爾廩人之繼粟何如天子之執漿佇累
蒲輪即空惠帳某盡請鄰而祭竈願越俎以代庖
禮貌衰則去之友其士之仁者會計當而已矣忠
焉能勿誨乎

回魏教諭

得一

旅進接辭未皇款曲謙撝委贄備叨勤渠所慙枵
然之曾有孤厚甚之意恭惟某官故家古汴父客
都梁渾渾無涯窮虞夏商周之奧義挺挺有烈願

皇叢稷契之良臣昨膺冰漕之計偕盍對天堦之
親策暫留鴟泮行奮鵬溟某教胄非材負永知愧
友其士之仁者蓋有望於名邦忠焉能勿誨乎詎
敢當於溢美

回彭學賓

居仁

觀國之賓顧屈習鄉之齒愛人以德何勤博我之
文一謙惠然三復感甚恭惟某官夙充嶽貢見謂
楚材子佩明經詎肯受安昌之薦錢鏐好古祇欲
爲孔子之徒行膺拾芥之科寧久采芹之客某自
慙李落更愧名浮憂則違之賴不失黔中之上佐

士之仁者當或憐澤畔之大夫

回朱齋長

茲蒙謙巽又復賁臨退而歌鹿鳴之三何止重車渠之白蟾枝鵬路所有更以贈君燕夏鶯喬此言何爲至我

回趙省元

易學論

茲承纏履寵臨鳴謙垂賁柳子之業甚淺未見可師李翊之問何恭恐孤求益伏惟某官器函趙璧學貫義圖家人則有嚴君觀復不遠主器莫若長子幹蠱奚先惟精研三聖之書且博究九師之傳

鴻漸之爲儀可必鶴鳴之好爵何逃某屯蹇餘生
乾坤長物相從講朋友之允不亦悅乎然有非頰
舌之咸所能宣者

回宋直學

學詩

侯貢士

友德

史掌儀

震

楊贊講

大介

宗西漢之文詞未皇請益祖東坡之翰墨猥辱鳴
謙所願就有道而正焉敢恨何相見之晚也恭惟
某官岷峨山立江漢淵澄晏如揚雄固已度越於
諸子飄然李白詎容流落於六丁無忘澤豹以培
鵬會即騰蛟而起鳳某再鼓愈淡五技已窮嘗聞

蜀都蓋亦兆基於上世思樂泮水尚期克廣於德
心

回衆學職

濯太白之冰壺知卧月花之影磨文饒之璞玉願
聞水蓮之規辱委贄之寵先愧識賢之緩後恭惟
某人炳靈世載文獻老成蚤聞高軒過之吟羅霄
有耀詎意古戰場之讀過眼還迷是宜不見於諸
侯猶辱觀過於吾黨九萬里風斯下願培鵬路之
程三千字日未斜即對龍墀之影某茲蒙投壁始
悟遺珠有司以公不以情且相同於采藻於我無

德亦無怨願更草於凌雲

進士

回李校正

息肩屬爾未遂見賢振履跼然猥勤委贄退而展
玩悚若感慚恭惟某官作賦摩空成文翻水飄然
太白空望眼於岷峨籍甚仲元輩脩名於夷惠若
爲將仕之諾當淹行秘之書暫客諸侯無謂道旁
之苦行賓王國卽爲席上之珍某得姓偶同卜隣
不敏事其賢者友其仁者足慰遠游愛勿勞乎忠
勿誨乎尚希餘論

代回曾秘校

炳

世契

故人有子昂然野鶴之標妙語及門副以家雞之帖恍如喚夢殆不勝情恭惟某人自出清門不爲俗宰接茶山先生之派信有委而有源繼郴陽從事之賢諒肯堂而肯播有懷父黨見惠客卿共阿戎談自覓後生之可畏薦祢衡表孰知餘力之不任姑記丸苞鳳之祥徐思千里馬之報

代回陳宣教

植

世契

紅蓮綠水談舊事以無人翠竹碧梧喜故人之有子投文爲惠陳義甚高恭惟某官闕閱芳華典刑炳蔚填麓伯仲皆蘄然之秀金玉氣質疑小者之

佳早騰吐鳳之詞夙記鳴蟬之賦雖偶遺於世祿
會自奮於儒科觀其紙上之辭此豈池中之物柳
宗元之記先友賸有人焉山巨源之念遺孤焉知
來者某有懷世契幸及英游思不忘久要之言旣
聞耳矣有可相料理之處願盡心焉

代回廖宣義

慶成

共阿戎談獨未見其父耳作靈光賦果有異於人
乎申之雄箋展也厚意恭惟某官清門有奕素李
甚都安在何見晚耶小淹賢業幸哉有子如此足
表義方頗聞及瓜已戒行李顧念江湖之賜號亦

勤煙霧之勒移想象朝雲已竟鋪張之巧扶持夜
燎更勞駢儷之工某無以報瓊重於辭璧靈椿一
而仙桂五歧予望之胡琴四而鹿鳴三聊相復也

回韋省元

患在爲師濫綴虞庠之屬惠而好我獲窺唐律之
工恭惟某人詩解人頤句穿月脇金羸一經之孝
信有家傳蒲帆百尺之風勉爲國許某有勤投璧
所乏報瓊鄉人之善好之玄遂忘其尚白後生焉
知來者青正望於出藍

代回孫祕校

暄